



# মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071  
Tel: 2288-1200 (7 Lines) Fax: 033-2288-1616/9460 E-mail: pacal@state.gov

২৮ জুলাই ২০০৬

## মার্কিন কনসুলার পরিষেবার ফি সংশোধন

কলকাতা -- ডলার সহ বিভিন্ন বিদেশি মুদ্রার ক্ষেত্রে টাকার সাম্প্রতিক অবমূল্যায়নের পরিপ্রেক্ষিতে মার্কিন যুক্তরাষ্ট্র কনসুলার পরিষেবায় ডলারের বিনিময় মূল্যে সংশোধনের কথা ঘোষণা করল। আগামী সোমবার, ৭ আগস্ট থেকে সংশোধিত ফি কার্যকরী হবে। নয়াদিল্লি-র মার্কিন দূতাবাস সহ কলকাতা, মুম্বই ও চেন্নাইয়ে অবস্থিত মার্কিন কনসুলেটে কনসুলার পরিষেবার ক্ষেত্রে এক ডলারের বিনিময় মূল্য ধরা হচ্ছে ৪৬ টাকার বদলে ৪৮ টাকা। ওই দিন থেকে ভিসার সাক্ষাৎকার চাওয়ার আগে এইচডিএফসি ব্যাঙ্কের নির্ধারিত শাখাগুলিতে অনভিবাসী ভিসার জন্য ৪৮০০ টাকা আবেদন ফি জমা দিতে হবে। এইচডিএফসি এবং ভিসা ফেসিলিটেশন সার্ভিসেস (ভিএফএস)-এর ফি এর মধ্যে ধরা নেই। অবশ্য যে সব আবেদনকারী ৭ আগস্টের আগে ডিমান্ড ড্রাফট কিনেছেন তাঁদের বাড়তি ২০০ টাকা দেওয়ার দরকার নেই।

সংশোধিত ফি হল এই রকম: অনভিবাসী ভিসা আবেদন ফি ৪৮০০ টাকা (১০০ ডলার); ছাত্রছাত্রী, এক্সচেঞ্জ ভিজিটর, ট্রানজিট এবং ক্রুয়ান ভিসার আবেদনকারী ছাড়া অন্যান্য ক্ষেত্রে ভিসা ইস্যু করার ফি ২৪০০ টাকা (৫০ ডলার) এবং এল-১ (সামগ্রিক আবেদনের ক্ষেত্রে জালিয়াতি প্রতিরোধ) ফি ২৪০০০ টাকা (৫০০ ডলার)। ভিসার আবেদন জমা দেওয়ার দিন কেবল নির্দিষ্ট মূল্যের ব্যাঙ্ক ড্রাফট কলকাতায় মার্কিন কনসুলেট, নয়াদিল্লির মার্কিন দূতাবাস বা চেন্নাইয়ের মার্কিন কনসুলেটেও নেওয়া যেতে পারে। মার্কিন ভিসা ও কনসুলার পরিষেবা সম্পর্কে বিশদ বিবরণ কনসুলেটের এই ওয়েবসাইটে পাওয়া যাবে -- <http://calcutta.usconsulate.gov/>

\*\*\*\*\*